

【國家社會科學基金重大項目】

何建明 主編

中國地方志
佛道教文獻匯纂

寺觀卷

(71)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（71）



國家圖書館出版社

中國地方志佛道教文獻匯纂·寺觀卷
江蘇省 連雲港市

雲臺新志

清·謝元淮修 許喬林纂
清道光十六年（一八三六）
瑞陽局刻郁州書院本

雲臺新志卷第四 山水上

圍屏山

崔志卽石礪山前面趙續志上有延福觀層巒疊嶂形如列屏黃申瑾雲臺圖稱爲翠屏山

國朝羅珍圍屏山

蘊輝書屋集

山勢巍峩列畫屏峰巒明秀得天眞淡雲輕霧倪迂筆點綴丹青半壁新

謝元淮圍屏山

養默山房詩藁

順坡十里餘勢欲到平地如何足底峰回看仍雲際羽士笑相迎眞從天上至山麓石削成壁

立若屏衛老樹根青冥點綴成異致倒景凌滄
波萬里喜澄霽小島浮雙螺山下爲延福觀門
臨大海有大小金
島蟬噪聲嘒嘒櫻桃數千林枝枝布濃翠常聞
暮春時採摘聚佳麗東磊櫻桃最盛成熟時婦
女羣往採摘遊人多攜酒
觀今來值新秋且共竹間醉

萬靈山

崔志山在清風頂東南孔雀溝上雍正間有萬靈
道人苦修於此

溪雲山

崔志在諸曹村北華蓋山東三里與雲臺諸山形
似斷而脈接顧志東海城東北在諸季莊沃壤抱
其後隔峰屏其前清幽秀麗雲氣滃鬱蓑衣道人
棲真於此

雲臺新志卷第七

勝蹟

上

巖壑園亭

朝陽洞

崔志在嘯雲洞側洞中有石臺上供佛像

昇仙塔

雲臺新志

卷第七 勝蹟上

崔志在三元殿西側高聳山巔直穿雲表

衆樂臺

崔志在三元殿西南大石平鋪可坐數十人

華嚴閣

閣在三元殿之東南上下兩層凡六楹道光甲午
新修乙未夏四月兩江總督

宮保陶公題曰華嚴閣東海士民引宋時蜀人請
留張益州畫像於淨衆寺之例乞奉

宮保五十五歲登雲臺山行像於此閣藉祝長生
羣上扁聯以抒愛戴凡扁三曰調元種福曰搏桑

捧日曰海隅不冒其聯句之雅切者曰喜繡旬人
和迓鹿輻雙節宣勞合山海輿情大悅惠孚心悅
慶玉英天賜指龍松萬民介壽願韋平相業長生
瑞比崧生曰積雪飛霜解阜恩深同再造官山府
海調和功大答三元閣下嵌印心石屋詩薈石刻
於壁翠墨生輝名山增重矣

別峰

崔志在三元殿上東側兀起石峰別開生面向有
別峰庵桃李最盛今廢

塔院

崔志在山西澗邊俗呼西溝爲雲臺開山無相禪
師墓松楸蒼古亦稱勝境

金牛洞

崔志在金牛頂下一名金仙洞卽二仙洞也中空
如城闔由玉皇閣登海曙樓可穿而入

吳恒宣金牛洞歌

郁洲山人集

乘曉霧兮登仙巒晨煙冥冥兮路漫漫懸崖露
滑不可以立足緣竹木兮登巔岼飛厯險阻數
十丈乃見金牛仙洞之奇觀苔蘚石菌斑駁蚪
蚪老樹荒藤蚴蟉鉤紐據洞口而屈肅爭偃僂

以振衣漸綽綽而明寬仰觀俯眺杳無極我身
已在青雲端青雲搖搖輕陰覆遮天門兮蕩地
軸恍如洞外羅幔張中有仙翁臥空谷蒼顏綠
髮披雲衣延我幽廬致欵曲長跪問仙翁立身
有何術笑而不與言示我棋一局斯須飄飄入
紫虛身騎青龍挾白鹿感茲長嘯呼罡風珠斗
銀河漸消沒空中喔喔天雞聲下視扶桑催日
出紅霞明滅接波濤蓬島瀛洲若恍惚吁嗟乎
男兒生不能學司馬生名山大川轍跡盈又不
能學向子平棄家五嶽汗漫行閉戶面壁自羈

勒天地應笑無人情何如餐蒼松兮枕白石得
失榮辱皆不驚龍頭瀉酒兮奠瑤京呼虎擊鼓
螭吹笙手把芙蓉馭鸞鶴世情掃若浮雲輕或
言灌莽荒涼天塞地阻蛇虺爲羣烏鵲與處鳴
泉憑憑日吼雷山鬼淒淒夜嘯雨當此誰不駭
膽慄魄思茫然胡爲流連不忍去我聞斯言重
欷歔百年行樂茲須臾但得布帛菽粟脫無累
仙人視我何所殊君不見海雲如樓仙人居青
牛雲際其仙乎

立禪石

在倒座崖側趙續志開山僧無相立一石上不避風雨但食松枝如是者三年腳痕深入石骨後所立石傍生菩提一株

七十一福地

顧志在隔村西北山中爲長春庵遺址石刻有天下第七十一福地字相傳元時邱處機曾居此

清霄洞

顧志在溪雲山上爲蓑衣道人修真處唐州志此爲蓑衣師者張志朴宋末頗著仙蹟

張賓鶴清霄洞

仲謀詩贍

只有恒河照鬢絲誰從海上問安期今朝偶入清霄洞好乞刀圭共肉芝

仙人屋

宿城之金剛巖碧側青斜略通樵徑爲向來遊展所未經絕頂有洞口懸崖顧志崔志俱遺之今宮保兩江總督陶公巡歷至宿城親登其巔改名

曰仙人屋磨墨數升題詩石壁此屋戶牖天成巧
奪意匠疑造物之有心示奇凡修三十六尺廣六
尺崇十二尺厥門西嚮入門而東則迴曲轉南瓊
戶別開下凌鳥道屋中橫石如案可度數百卷書
其傍闢牖嚮明修六尺崇二尺四寸錢塘陳文述
比諸華嶽之玉女窗屋有重檐絕非人間斤斧迹
地潔甚無纖塵石罅茁香艾青葦數叢吐芬含潤
嗽之而甘豈仙真福地隱顯固有時乎

陶澍題宿城仙人屋

有序
詩帖

法起寺北有瓢崖洞石竅嵌空方廣若堂奧

有門有窗有案洵天巧也因名之曰仙人屋
繫以四絕句道光乙未四月廿六日

奇石立空青懸巖瀉飛瀑白雲來往間中有仙
人屋

屋好揭雲窗琳宮玉女房

陳雲伯名其窗曰倚
玉女子爲書之

令阿母見應識小東方

琪草出林香茯苓和露煮萬古此深山石牀不
知暑

琴彈風入松潭冷龍欲起借問仙者誰樓上華

陽子